

361

姑溪居士文集五十卷後集二十卷  
較勘記一卷附錄一卷

八冊

蘭生仁兄大人屬書

姑溪居士集

恩施樊增祥

宣統三年辛亥秋七月  
集於金陵督糧道署

姑溪居士文集序

李公端叔以詞翰著名元祐間余始得其尺牘頗愛其  
言思清婉有晉宋人風味恨未覩他製也乾道丁亥假  
守當塗因訪古來文士居此邦而卓然有聲於世者惟  
李太白郭功父與端叔三人郡舊有太白功父集而端  
叔獨闕然求于其家而子孫往往散落無復遺稿聞得  
之邦人類而聚之命郡士載輦訂正釐爲五十卷鋟板  
于學昔二蘇於文章少許可允允稱重端叔殆與黃魯直  
晁無咎張文潛秦少游輩頡頏于時今觀其文信可知  
已或謂端叔晚節銳於進取有所附麗雖若可疑然范  
忠宣公遺奏極於鯁切詆斥不顧一時用事者欲寘忠

宣之子於理端叔慨然自列謂實出其手既而公所爲忠宣行狀復出由是得罪南遷廢錮終身曾不少悔其勇於義若此詎可以微瑕掩之哉余固愛其文又表其行誼之可嘉者併以詔於後云端叔名之儀其先景城人既謫而南始居姑溪自號姑溪居士今以名其集天台吳芾序

姑溪居士文集目錄

○卷第一

古賦

閒居賦

古詩一

謁李太白祠

梅花詩

次韻君俞見寄

題步雲亭

題渭濱亭

題山堂

送儲子椿

贈報盜老

和郭功父遊采石

捉月亭

賞詠亭

鑑然亭

○卷第二

古詩二

題逍遙閣

送芝老

題王德循書院

胡伯鎮石菖蒲

丁德儒置酒

贈劉九思

題孝嚴亭

次韻處度

次韻君俞見過

迎暉閣

和遊一人泉

秀遠堂

中隱菴

莊居

○卷第三

古詩三 歌行附

楊子儀虎圖

送人

書長干僧房

和人雪意

和人感懷

東坡雪浪石

甘露堂歌

琵琶歌

雷塘行

○卷第四

律詩一 七言

讀吳思道詩

東坡雪浪石

次韻東坡

寄邵陽叔

東坡沈香石

送曾端伯

濟上閒居

告別子通

和子椿竹

和子椿七夕

題蘭皋

戲子微

題晉老小軒

齋僧值雪

送宣上人

遊白雲寺

題白紵山

寄丁希韓

再領玉局

次韻葛大川

吉甫第雙檜

題張湛然壁

答李去言

懷桂元白

儲子椿作別

次韻子椿

又次韻子椿

遊雨花臺

次韻子椿莊居

○卷第五

律詩二

用聖行韻

和人見寄

澄虛堂

和子春

莊居寄友人

和友人見寄

懷舊

送人入館閣

解后故人

金陵懷古

和人見寄

邯鄲叢臺

久雨次韻君俞

次韻君俞瑞香

次韻君俞

隄上閒步

韋深道寄傲軒

次韻君俞

觀東坡集

如海集目錄

三

○卷第六

律詩三

次人字韻

再次韻簡少孫

次韻雪

長春閣

後園

子椿野軒

逃暑過君俞

歸自錢塘

贈榮天和

解后劉君

伯鎮傷春

夾竹梅花

次韻聞笛

贈陳待制

和人

次韻采蓮

次韻于椿述懷

次韻早秋

次韻子椿

陪曾延之泛舟

宿大乘

○卷第七

律詩四 七言 五言

賞心亭

城南張氏園

偶書

贈人

兩翁軒

次韻珪首座

錦繡亭

同思道宿崇因

寄僧

思道橫翠堂

簡劉君秉

夢趙仲強

卷六

如海集目錄

四

水中登月閣

勉王德循

遊禪岳

藏雲山居

山居夏口

誠上人

宿青山坊

黃池道中

次韻俞希賢

○卷第八

律詩五 五言

和答友人

食筍

謝無已相訪

北觀

回酒

長干僧房

無題

自然菴

湯泉道中

雨中過明覺

宿滴水巖

夜行鞏洛道土

題李欽之宅

離宣城

秋日遊青山

過西莊

遊石城

謝送魚

題齊雲亭

賀時相生辰

○卷第九

絕句

次韻范景仁

次韻景仁西還

又次韻

柏臺自述

西莊久雨

路西莊絕句



宿采石

寄梅道者

偶書

瑞竹

書扇

立秋日書扇

題郭熙畫

又書扇

畫夫子扇

題畫扇

莊上書事

訪僧不遇

天寧卽事

學古堂

題于子高宅

俞秀老詩卷

寫裙帶

采石

浴南寺

源上人硯

訪漆山主不遇

次韻韋深道

次韻東坡梅

贈呂煥

○卷第十

絕句二七言

舟泊采石

曾延之置酒

當利樓勸酒

書延之扇

延之置酒南園

何子温家

書延之侍人裙帶

謝延之館置

口占呈延之

雜詠

書龔彥本莊壁

同彥本泛舟

書彥本鄰莊屏

龔深之遺像

初入褒禪山

答褒禪知客

褒禪齋後獨出

遊華陽洞

大乘路中

寄祖鑑

晚過大乘

呈湯泉長老

苦竹寺後亭

再過苦竹寺

絕句

和張文潛

宿觀音寺

謝范守惠鷺

畫鴨

畫鵝兒

畫鷓

○卷第十一

絕句三 七言 五言

書羅氏屏風

謝荊州太守酒

題隱者壁

題漁家壁

偶題六絕

訪瑄上人

七夕

東山

閒坐

登月閣

遊洪福

遊石城

謁錢公振

憶李希武

金影軒

題黃蘗泉

次韻贈答洪覺範 并序

題畫扇

挽詞

東城挽詞

石敏挽詞

李希武挽詞

濮道甫挽詞

郭功甫妻挽詞  
李府君挽詞  
弔王承議

○卷第十二  
贊

自作傳神贊	折渭州畫像贊
沈存中畫像贊	機道者傳神贊
崇因欽老贊	淨慧璘老贊
丙菴璞老贊	儲居士贊
李太白畫像贊	東坡贊
靈巖愿老真贊	靈源真贊
邦禪師真贊	李伯時馬贊

畫龜贊

須菩提贊

慧林正老真贊	布袋和尚贊
俞秀老畫贊	俞清老真贊
昕長老畫贊	壽寧宣老贊
石菖蒲贊	為人作真贊
文忠公贊	為僧作真贊
吳思道畫贊	

銘

欽硯銘	韋深道硯銘
圓硯銘	斷硯銘
硯銘	

○卷第十三

表

賀德音表

賀正表

賀聖節表

代范忠宣遺表

啟一

賀致政太傅

賀樞相轉官

賀樞密太宰

賀運使大卿

謝發解舉人

謝太守舉人

謝郭樞密

回賀新及第

○卷第十四

啟二

回章丞

謝涇州教授

轉官謝漕使

謝知縣

回黃通判

賀薛左轄

謝人詩

謝韋深道

賀王解元

賀轉官

謝陶師中

謝金陵舉人

○卷第十五

啟三

謝君俞

謝仲輝

答謝解

上少傅

謝時宰

賀時相

答監司

先狀

○卷第十六

書

答李幾重

答求詩文

答吳子陽

謝寄詩

代與薛金陵

○卷第十七

雜書

書鄰人紙

書趙鳳事

書牛李事

書楊綰事

書劉元平事

書柳村筆

又試筆

書陳格石刻

戲楊元發

偶書

贈人

書建茶硯屏

○卷第十八

手簡一

與蘇黃門

與龔侍郎

與蔡侍郎四

與吳朝奉

與叔論促舉

與宋榮州四

與俞教授五

與何給事六

○卷第十九

手簡二

百五十九

與賈朝奉

與何給事

與賈朝奉

與金馬部

與蕭知錄

與彭丞

與孫知縣

○卷第二十二

手簡三

上宰執

十九

○卷第二十一

手簡四

上時宰

七

與祝提舉

九

與米元章

四

與米元暉

與彭學士

與劉延仲

○卷第二十二

手簡五

與姚漕

與周漕

與曾延之

與元法曹

與龔平國

○卷第二十三

手簡六

與龔平國

與吳醫

與龔秀質

與榮天和

與劉延仲

○卷第二十四

手簡七

與榮天和

與劉延仲

與劉君東

與趙仲強

○卷第二十五

手簡八

與趙仲強

與儲子椿

○卷第二十六

手簡九

與儲子椿

與友人

○卷第二十七

手簡十

與趙德麟

與彭丞

與孫知縣

與成德餘

○卷第二十八

手簡十一

與楊彥濟

與韋深道

與孫肖之

○卷第二十九

手簡十二

與孫肖之

與李去言

與楊元發

與胡淵明

○卷第三十

手簡十三

與吳思道

與吳禹功

○卷第三十一

手簡十四

與吳禹功

與友

○卷第三十二

手簡十五

與翟給事

與楊晦叔

與俞祕校

與彥文侍禁

與主簿祕校

○卷第三十三

手簡十六

與翟于惠

與王君瑞

與董無求

與何知縣

○卷第三十四

手簡十七

與明祖印

與洪覺範

與珪首座

與資福堂頭

與崇因老

與政書記

與吉祥聰老

與天監誓老

與慈愛深禪師



○卷第三十五

序

折渭州文集

送鄭穎叔

張覺夫字序

決山語錄

祥瑛上人字序

送戴道人

○卷第三十六

記一

雙松道院記

藏海齋記

善應軒記

炤默堂記

壽寧院記

○卷第三十七

記二

崇寧黃牒記

褒禪捨田記

天禧法堂記

張氏壁記

○卷第三十八

題跋一

跋東坡

四詩

又跋東坡詩帖

八

跋蘇黃帖

跋蘇黃陳帖

跋東坡十一偈

跋戚氏

○卷第三十九

題跋二

跋山谷雜帖

跋米元章帖

跋黃米帖

○卷第四十

題跋三

跋采石山亭詩

跋吳思道帖

跋石曼卿帖

跋黃正叔帖

跋小董山詞

題賀方

跋魯公帖

跋瘞鶴銘

跋樂毅論

跋荆公書

跋李衛公書

○卷第四十一

題跋四

跋荆公書

跋君謨帖

跋文安國篆

跋蘭亭記

跋遺教經

跋麻姑壇記

跋陳伯修帖

跋論坐位圖

跋趙汝霖帖

跋慎伯筠帖

跋沈睿達帖

跋懷素書

跋古柏行

○卷第四十二

題跋五

跋洛神贊

跋春秋

跋邵仲恭書

跋酒吟先生帖

跋歐陽率更書

古帖

跋吳中鹿書

跋儲子椿書

跋聖俞詩

題子原三戒後

跋高平詩

題和詩後

跋劉君錫

書林逋詩後

跋范巨卿傳後

○卷第四十三

祭文 疏文附

祭秦少游

祭折渭州

又祭文

齋僧疏

○卷第四十四

青祠 疏文附

還醮青祠

請長老住

青山建菴疏

藏雲齋僧

禪岳修造疏

化度牒

修水府行宮

水陸疏

畢悟宗緣化

天盜千佛疏

還願水陸齋疏

南禪推藏

采石修殿

化三衣

黃山修廟

廣濟修造

○卷第四十五

詞曲一

水龍吟

驀山溪

滿庭芳

玉蝴蝶

早梅芳

謝池春

怨三三

千秋歲

春光好

臨江仙

江神子

清平樂

浪淘沙

卜算子

憶秦娥

○卷第四十六

詞曲二

蝶戀花

浣溪沙

西江月

鵲橋仙

踏莎行

鷓鴣天

朝中措

阮郎歸

采桑子

如夢令

臨江仙

醜奴兒

青玉案

更漏子

漁家傲

南鄉子

驀山溪

減字木蘭花

○卷第四十七

詞曲三 樂語附

減字木蘭花

天門謠

好事近

浣溪沙

菩薩蠻

雨中花令

留春令

鬲莎行二

萬年歡

南鄉子

賞心亭致語口號

○卷第四十八

墓誌銘一

羅大夫墓誌銘

○卷第四十九

墓誌銘二

楊判官墓誌銘

○卷第五十

墓誌銘三

胡夫人墓誌銘

李氏歸葬記

姑溪居士文集目錄

太湖李脊江陰繆九疇同校

姑溪居士文集卷第一

趙郡李之儀端叔

古賦

閒居賦

嗚呼閒居之為樂也樂其所可樂也樂非其可樂不為  
閒居也樂其居之閒然後知閒居之為可樂也迹雖是  
而心不在焉與夫故為其迹而資以藉口者乃閒居之  
戮民非樂閒居者也樂其樂者君子之樂也未始知其  
樂而盜有其名者小人之樂也潘岳之賦名則是矣而  
心則不閒也失志自寓其無可奈何而形容其不得已  
者也戮民不足以言之也陶淵明歸去來似無頃刻休

息而超然自放于造物之外陶然自得于言意之表居  
不閒而得閒居之樂也有一念不爲閒有一境界不爲  
居形如槁木心如死灰尸居而龍見雷聲而淵默得其  
一未知其二也終日言而未嘗言終日行而未嘗行其  
庶幾乎孔子居鄉黨似不能言者其言曰毋意毋必毋  
固毋我又曰予欲無言又曰吾與回言終日不違如愚  
申申如也天天如也纍纍然如喪家之犬也魯人則曰  
此東家丘耳夫是謂之閒居而樂不足以言之也漢儒  
所記閒居燕居是其日用之常而非其所得之樂也惟  
彼不類造次必僞于以行已狼藉自棄蒙不潔而反以  
術術驚蹈荆棘而不知所避務淺陋之爲夸而不識人閒

有羞恥事方且忽婁豬艾豕之歌而擁宋朝之敝帚安  
燕婉蘧蔭之刺而歸河水而高峙杜門卻掃而闔里坐  
視其左右動容變色而肉食率懷其可畏一顰一笑惟  
我之從則言發而利害隨之一動一靜立我之異則頤  
指而百罹斯值以是而日輸月賦如征焉以是而山積  
海納如歸焉乃曰我閒居者也是又潘岳之罪人而謂  
聖日在上爲可免則予不知其所以也

古詩一

謁李太白祠

愛君獨酌板橋句想君不向嵇山時千載風流同一轍  
孤墳數尺埋蒿藜文章誤人豈當日聲名雖好終何爲

譬之花卉自開落又如時鳥嘯高低行吟漫葬江魚腹  
鵬來空賦子何之君不見吾腰恥爲小兒折或車或棹  
聊爲期又不見羸顛劉蹶不到耳采花摘實相維持春  
寒漠漠青山路厚顏已覺歸來遲一塵尙冀容此老與  
君朽骨分東西

累日氣候差暖梅花輒已弄色聊課童僕芟削培  
灌以助其發戲成小詩三首

京洛三十年作客每見梅花欲忘食時時魂夢到江南  
足跡塵埃來不得嗅香嚼藥不忍捨爲憐絕韻眞顏色  
誰知晚得江南身持此一株當舍止上寒根老枿初不辨  
幾與桑榆同棄擲殷勤地主故指示頓覺修然超眼域

幾山氣候也深春戢戢枝頭危欲折呼奴鄰家借刀斧  
穿斷因之聊拂拭便宜邀月作嘉賓不惜淋漓慰疇昔  
解后梅花同作客此理難窺亦難食道人無眼自超羣  
定裏觀之想相應得爲惜花開將及時枕上朝朝問天色  
自是春工力尙堅一向風頭來自北昨夜雪深幾一尺  
不覺起來欲跳躑雪過春回固可期聊與此花爲畛域  
今朝舉頭消息別物理人情原未拆綠萼柔條宛相契  
正色眞香淨如拭更煩妙語爲詮評莫遣塵根迷夙昔  
花是主人身是客更欲花前羅酒食花應笑我強相親  
畢竟人花誰是得金樽到手我自醉道人何妨且觀色  
三界觀來卽是空醉裏等知漸遊北寺爲圓鏡隨身現



認著分明卻虛擲持此問花花不答嗟我與君徒入城  
不如收卻閒眼坐萬鏡紛紛任披折一番風雨便紛飛  
念垢情塵漫磨拭今年春盡有明年花落花開幾今昔

彥行和梅詩甚工輒次元韻

春風不揀尊前客未必藜羹輸肉食玲瓏點綴移月窟  
誰謂我家最先得直從去臘約爲伴旦旦相看無倦色  
朝枝日彩爛迎東夜插斗杓寒桂北擬將西子作孤注  
對與春工分一擲又疑妖冶瀆清真子細籌量信難域  
發狂不意落紙上勝句爭來共推折諸郎獨殿語尤老  
似欲塵埃劇滿拭不惟詩社頓光輝枝上分明過于昔

次韻君俞病中見寄

老眼逢春如有隔不覺花前手頻拭昔陪韋杜尺五天  
此地去天今幾尺東家有客貪春甚酒作衾裯花作枕  
瘦遍休文臂漸消渴近相如尤殢飲賞心直以花爲命  
醉頭只恐扶難正春歸每恨太忙生不惜一春常似病  
我老無用終安之屢欲從君獨較遲方將結束窮勝致  
投權祇許春相知詩來苦訴不自樂春固惱人多索寞  
何妨強襲起應劉閒促扁舟尋李郭君不見樂羊功名  
方熒熒歸來謗書已盈篋爭如隨地任低昂漫浪猗玗  
盡元結

題步雲亭

昨夜風高蟬半咽起來知是向露節玉面少年窄袖衫

袖裏新詩似冰雪幾日炎炎如甌中今朝忽覺超樊籠  
不惟氣候已八月更得冰雪開心曾謝公山人詩筆奇  
問君何緣得此詩報我我欲步雲去山人許我因留題  
君作斯亭幾許高擬推皓魄醜銀濤誰謂姮娥落君手  
坐遣山人詩思勞君不見梅老句出天地窄曾謂山人  
眞太白采石月下憶相逢笑披錦袍弄明月十年明月  
歸謫仙姮娥豈得在君邊何妨邀取山人去卒歲扶攜  
醉笑閒

題涓濱亭

廣張三千六百鈞太公欲與文王親文王不爲熊羆獵  
卜年七百終何人開元天子降步輦當日何如涓濱見

是同是異不可詰一等風雲符虎變吾君好賢軼前古  
處處鸚鵡刷修羽觀君命意非苟然他日風流須再覩

題山堂

二年江南客對面不見山負我愛山心兀兀塵埃閒一  
聞說山心便喜欲插修翰遠飛起君家乃是在山中居永  
日青山同徙倚流泉涓涓薜蘿暗明月時時窺枕簟三  
伏清霜帶雪來不斷煙雲擁欄檻只恐居山興易闌萬  
壑波濤翻等閒知有心期難得否憑君借與畫圖看

送儲子椿參假太學時泊舟金陵風亭

金陵二月春江上連日雨暖風初報一番晴綠淺紅深  
行數處與君已是隔年別相逢又作臨分語感君情重

故可歌送君心折不成舞五年相從如一日物物講評  
窮髮縷愛君正如韝上鷹畏君何翅文中虎未飯已知  
必下趙憑軾會觀終報楚逡巡炤眼綠袍新更約十分  
同一舉

走筆贈報盜老

半山老人筆如椽落筆直欲拏雪煙東亭右軍不復見  
龍跳虎臥誰爭先如溪六月汗流水解后清風頓如洗  
他時問法到山前應許神光得吾髓

和郭功甫遊采石

卒歲悒悒無地雪三首新詩報明發使君近作采石遊  
勝踐傳聞驚久缺亢陽便有欲雪意和氣先期振巖穴

想見旌旗錦繡張如從元君朝北闕後攜一老何奇哉  
朱顏鶴髮超塵埃嗷呼江上來席上池邈萬古隨雲開  
騎鯨仙人不敢避玉鏡臺郎俄復迴分明月下遇賞歎  
將軍新自天邊來逡巡落筆轟春雷落花亂點荒池臺  
沈埋秦莽見一旦名高此地真當才從來不許說前輩  
寄聲魚鳥休驚猜直疑乘槎叩月窟又若登臨望天台  
酒行已徹更須酌醉倒盜辭無算杯卓然一段極則事  
遣我擊節因誰催

采石三題

捉月亭 李太白

我昔揚帆下廬阜落帆采石春欲暮江南江北只見山

欲識錦袍無問處夜深明月來青天天水茫茫月遮霧  
想見扁舟捉月時江心見月如相遇醉魂不制月可捉  
捉得便將天外去月在人亡天莫語語髣髴風流誰與晤  
邇來水落洲渚出隔岸潮迴疑可步聒耳啁啾不得聞  
對案腥臙難下筋多情禪客饒佳趣粉飾餘光扶墜緒  
欲同古月換今人到此翛然忘世慮從來喜誦騎鯨句  
亦復買田相近住會當載酒十分圓同指虛無問征路

賞詠亭 袁彥伯

爨下得餘薪便可歌南風參差長路鐸鼓樂俄相同一  
棄一流落悠然會天工始知盛衰際遇與不遇中風清  
月正好爽語來從容豈意接心期賞歎如雲龍千載瞬

息爾轉盼歸虛空何適非適然神交向冥鴻

鑑然亭 太真

溫公天下士百計興艱危大厦勢已傾意欲一木支功  
名等山岳德澤均雨露奈何談笑閒而取鬼神怒鬼神  
豈不鑒忠義當扶持一見亦何傷冥路俄與期似非理  
所安端恐數應盡邂逅不可逃紛紛遂爲信孔子昔有  
言旣敬亦須遠三復而三思臨風更三歎

姑溪居士文集卷第一

姑溪居士文集卷第二

古詩二

七言古風寄題薛公尉氏逍遙閣兼送伯成知縣  
宣德解印當塗直書民言耳非所謂詩也

長身少髯復多骨憶在兒時獲相識滿朝善類推老成  
鄉曲名流誦才德爾來契闊四十年停鸞峙鵠欣相傳  
我方卻歸不自得但覺和氣如春天光日朝門炙可熱  
今朝吏爨幾無煙追呼輩伍殆<sub>十</sub>指一旦束手如蠶眠  
父老相傳語且泣岌岌流離遽安集省事以來無此君  
豫恐他時莫能及尺紙胡爲來北闕樂境危城俄見斂  
覆盆雖冤亦斲爾所惜時間未能雪稍傳遠近或歎喜

歎者吾民喜者吏吏至酌酒更相賀畢竟卷舒須在我  
父老沾襟嗟薄福此理冥冥定誰主異時得君逾所聞  
杳杳健鶻盤霜鬚信矣此地不可久空使遺愛傳邦人  
邦人固止聽我語逍遙閣去天尺五長身仙翁昔遊戲  
日日煙雲泛罇俎仙翁久已朝紫皇功行不泯鍾諸郎  
扶疏密蔭被所至遂令此閣如甘棠我昔西畿數來往  
日脚闌干猶可想塵埃滿袂阻登臨白髮心期負眞賞  
六月炎炎汗如洗江南雨多拍隄水旗開鼓響船欲發  
超然爽意因君起驂騑一跌愈莫止大鵬令展滄溟翅  
何妨閣下敞高門更看陰功動閭里

送芝老

江頭春色已可掬風雨惱人常不足筆力俱來紙上春  
墻外落紅爭簌簌忽然別我下廬山蓮社風流指顧閒  
爲我寄聲陶五柳少留佳處共追攀

題王德循書院壁

謝韓君錫小會

熱不就惡木枝渴不飲盜泉水古人不可期歲月姑相  
委不愛爾井泉百尺深不愛爾庭樹千里陰相看豈計  
一飯報長嘯聊爲猛虎吟

近得石菖蒲胡伯鎮見之謂必以錦石資藉乃可  
以久遽輟所有爲貺仍枉佳句輒次韻奉謝

倒屣得小異不言四時備遺我百朋珠書窗遽增氣石  
盆叢秀轉光輝攜挈衰慵絕塵世更煩藻思互維持紙

如海集卷二  
上盆中盡珍玼他時相對劈麟脯何必方平爲紹介

丁德儒置酒適與陳君俞聯坐聊賦小詩爲君俞

謝因以贖先起之罪

春風不解事吼地如雷霆誰知一席閒笑語鏗熒熒主  
人意彌敦設置不少停而我槁木然感慨時自驚多情  
接勝友孤朗如初星微吟閒相警似欲慰獨醒我老百  
不堪已分如漂萍解后因事樂尚或有此形下慙引去  
先得意耳暫清展轉尋斷夢閒關媿微生何常當萬里浪  
相與同滄溟

贈劉九思山人

我行亦偶然君來定何謂風高浪如山聞者亦已畏而

君從一葉過我乃特地郵亭六日俱臨別尤自媿朝出  
纔辨色夜歸或霑醉殘燈不見人侍我獨忽睡語語多  
破顏情極幾屑涕屈指再相從便作新井計我擔旣弛  
肩君駕亦方稅不覺涉四年俛仰纔一喟每見意每加  
終始不少替顧匪求名頑豈不懷此義凡生等飄蓬何  
物非委蛻爲我謝故人隨方聊自慰

題繁川徐氏孝嚴亭

奕奕欲報恩歲月猶過隙常恐寸草暉終負陽和力萬  
鐘非所養所重在以色庶幾參與騫不獨慕今昔千尋  
用或短乃未及咫尺哀哉過隙心淚盡墳草碧坐見食  
亦視函明固無隔烹嘗雖其時要是未爲得詩書聖人

上盆中盡珍非他時相對劈麟脯何必方平爲紹介

丁德儒置酒適與陳君俞聯坐聊賦小詩爲君俞

謝因以贖先起之罪

春風不解事吼地如雷霆誰知一席閒笑語鎿熒熒主  
人意彌敦設置不少停而我槁木然感慨時自驚多情  
接勝友孤朗如初星微吟閒相警似欲慰獨醒我老百  
不堪已分如漂萍解后因事樂尚或有此形下慙引去  
先得意耳暫清展轉尋斷夢閒關媿微生何常當萬里浪  
相與同滄溟

贈劉九思山人

我行亦偶然君來定何謂風高浪如山聞者亦已畏而

君從一葉過我乃特地郵亭六日俱臨別尤自媿朝出  
纔辨色夜歸或霑醉殘燈不見人侍我獨忽睡語語多  
破顏情極幾眉涕屈指再相從便作新井計我擔旣弛  
肩君駕亦方稅不覺涉四年俛仰纔一喟每見意每加  
終始不少替顧匪求名頑豈不懷此義凡生等飄蓬何  
物非委蛻爲我謝故人隨方聊自慰

題繁川徐氏孝嚴亭

奕奕欲報恩歲月猶過隙常恐寸草暉終負陽和力萬  
鐘非所養所重在以色庶幾參與騫不獨慕今昔千尋  
用或短乃未及咫尺哀哉過隙心淚盡墳草碧坐見食  
亦視函明固無隔蒸嘗雖其時要是未爲得詩書聖人



事力久真自積卷舒豈他人悲孝均我職尚容表龜跡  
過者必此式長江會生塵德澤何可極

次韻秦處度同登黃山

艱生縲繼餘特爾脫魑魅殊方窟飄蓬未免遊戲事眼  
力到毛髮抉剔盡奇祕邂逅平生歡笑語當歌吹曲環  
豈人謀明滅殆天使慰我雲煙期有覩鴻鵠志百年一  
瞬爾幸此半日地聊攄廣莫心無作雍門淚

處度再和前詩見寄復次韻報之頃有所約今不

逮悲愴無已題于袞禪方丈

愛山平生心殆若鬼所魅茲遊媿不早危至失吾事佳  
辰秋正晴有物不自祕晶熒麗初陽浮動薦微吹幅巾

方袍接固可稱傲吏躋攀敢惜力卜築豈無志稽首定  
明老願借一席地何在眼中人不覺衣上淚

次韻陳君俞攜酒見過

野人欣莫逆君子戒多上幸爾違朝市聊復圖蕙帳薄  
田幾負郭山水分背向巾車俯秋成舒嘯會隨杖吾友  
真可人輕舟數相訪投懷失枯槁達意信遙蕩時哉固  
難得觸境沈波浪謂我來歲寒種種不少創杯盤挽氣  
類論辨極戶量敢辭屢舉白自喜老彌壯回頭易陳迹  
傾倒乃惆悵樂事須勉旃何適非醞釀

迎暉閣

霜風吹我衣日短歸路長放懷即可家何適非吾鄉稍

聞東南隅勝致寓一方超然世外人雞黍隨低昂簷  
闕無際戶牖延初光孰云日月久但知歲時康每逢會  
心處萬境不得藏何當駕修翰飛雲共回翔淋漓非所  
期遠日聊徜徉庶幾蠲眼白打出鶯兒黃張君好藏茶  
多能識土人  
歲入貢必迂路以致  
其新故名聞江上

和遊一人泉

新詩解人頤秀若披雲鬟突然不可揖平地翻波瀾  
衣媿招攜每見輒汗顏況茲天際遊物理知難攀一來  
金陵居終歲不得閒勝踐固疇昔欲往獨見刪命駕等  
人爾底事獨我慳豈非勒移靈不許汚名山因詩想其  
愛四來直仍彎裂臍那復惜頓足已滯頑清甘似可飽

恩遽誰其還何當強扶老寄迹雲霞間要須君意果莫  
遣我盟寒曉來雨腳斷去夢已班班

韓君錫起秀遠堂結中隱菴趙太傅德孺賦詩二  
首

秀遠堂次趙德孺韻

德孺秀遠堂詩云翰林李謫仙埋骨青山下平生愛此  
山死去終不捨放逐鵬鷺行追隨雞黍社文采今尚存  
英風滿松檟寥寥五百年好尚世所寡韓子荊州後爲  
裘襲良冶乃祖祖當時輩異代同瀟灑結堂山之陽真趣  
非少假秀色來天外遠勢包平野煙嵐浮翠黛攬之不  
容把徜徉盤谷遊屢請秣吾馬時無謫仙人登臨詩賦

者九原如可作一奠招魂聲

愛山依山住如山不少下山中所有多惟取不容捨煙  
雲實交遊松竹乃保社尚欠目所窮披翦靈問櫃廓然  
宇宙寬信矣和無寡隱隱徹四垂萬象入坯冶初疑彩  
閒錯又若墨自灑造化非適然一一類見假吾友端可  
人韻勝不少野更將桃李俱參差移拱把時哉須自勉  
歲月甚奔馬得難來易失詎有長年者何妨倒載歸日  
日無虛聲

中隱菴次趙德孺韻

德孺中隱菴詩云在昔避世賢隱居豈自喜甘守西山  
餓清洗潁陽耳一旦事高尚萬古激貪鄙孰謂樂山林

便可輕朝市竊笑效顰人不知捧心美妄將凡庸姿敢  
希明哲軌盜此嘉遯名紛若干時子仕途指捷經矯僞  
汗清清史聖朝揚風陋采錄無遐邇不遺下體葑況乃中  
鄉芑多士生此時貧且賤焉恥夢自傳巖來獵從渭濱  
起隱居聞此風翻然鳥可已聊爲知者道庶達名菴旨  
退之以文鳴詩友得侯喜聲名力與俱雖尊未勇耳潢  
池詎責清山孰辨都與鄙菴成誰振之句出鬧如市千仞  
靈我高充實信我美坐令菴內人前車云可軌禮樂有  
先後後進則君子執方而味圓俱野那復史伐柯固執  
柯疇克求諸邇蒸之既匪薪采焉又非芑近交韓與侯  
步驟亦常恥一醫消息近布毛自何起要須六月息不

姑溪集卷二  
息不爲已敢問二詩人如何得意旨

莊居值雨偶得十詩示秦處度

累日雨不止風高如作寒三分難過二忽忽便向闌一  
身百憂集況可計先權不見是無悶念此聊自寬  
滿眼都是水歲事從可知早時謂有餘今空未免饑一  
雨又三日見者皆攢眉天作人承之到此終何爲  
我雖非故侯通籍三十年孰不夷險半而我終歲難念  
非跣弗視不覺乘波瀾餘生豈所期我君信如天  
平生三四友一人中英況逢不世生唾手可太平參  
差十年閒契闊而死生相見復何語但有淚如傾  
死生固可嗟一謫輒不返君恩非不深奈爾道路遠及

初不忍歌折臂信能遣已矣何足論幸子眞入眼

念我宜州兄見時論弟昆詩書固分路翰墨俄同門人

誰不歸來獨沾死後恩萬里一銘旌猶能葬家原

夕郎天下士異同親見之欲掩不可得交口終何爲百

汰鋼愈精魑魅今尚疑浮雲空來去皎皎端所期

不返故鄉義何妨陸子居昔遊既有約是豈人所圖我

當邀此卜躋蹬不自如憑將一掬淚聊寄夜臺書

向晚風斗轉場上稻已芽問爾何薄相偏來戲吾家蟋

蟀牀下吟  
戒寒謂稍疏行矣逢此嗟

競爽聯夜光一箇乃明月吾友不可見賴爾相怡悅兼

葭空非倚聲聞乃不輟啜菽安暮年足以絕

姑溪居士文集卷第二正月初十日北風寒厲夜三鼓歸校

姑溪居士文集卷第三

古詩三 歌行附

題楊子儀虎圖

秋陰報初寒慘慘日遽晚有客自宣城明爽也昏也懶手  
持兩巨軸六幅從而展披圖畫如生竟軸詩盡選平生  
說包鼎今日真到眼何止辨駟驪于焉識淄澠愛之不  
能已欲挂恨壁短猶冀逢他時更擬探深遠

送人

冥冥天邊鴻蕩蕩風中雲一笑偶相逢擊節聊送君我  
室豈無酒胡爲不開樽所貴樂文字因非異猶薰天門  
直牛渚南北如相文想君月下吟未厭俚句聞霜空夜

自明江日寒微昏會當借餘鯨永謝五濁渾

書長干僧房

昨日方得書經年不相見書來必累幅分明如見面雖  
同兩千花畧不通一綫誰云非吉祥便是金毛現

和人雪意

雪意與春約野情因物裁輒將無窮思聊際有限才雲  
容忽破碎山色如招回攜持固夙昔端爲此際來歲晚  
君羈旅微君誰我陪祇恐造化工特地吹葭灰一剖不  
復收寂爾爲之胚戢戢競秀發翩翩絕嫌猜恍然徒倚  
閒浩蕩心曾開境界適何許次第分隅隈高足超日觀  
塗如下離堆四顧始無聞忽覺驚初雷有形均難悲志無

物非蒿萊卻應求仙去失路迷天台波臣復笑屈市門  
徒隱梅庶幾未始得掇拾同舉杯攘袂卽千古一醉姑  
相媒

和人感懷

高山在平地高山地馬低明珠出深淵明珠淵豈期高  
明在人■要須■其時物理固如此了不差毫釐■端  
自■窘歲月相奔馳所以得黽勉吾人惟能詩我非知  
詩者平昔竊好之每出每可愧未易皆壘篋而君不我  
鄙論極互解頤六年如一日不取笑則疑彼鳥足爲計  
有類牽同嗤一朝■召命閭里增光輝不曰人可賢但  
從外物移我賢君亦賢誰能窮是非我欲挽君留留君

竟何爲聊作感慨別肯效兒女悲陳人不自信流品須  
維持誰謂廊廟姿如我品乃宜江充與丙吉厚薄惟異  
施其後七葉貂陰功終表儀是等代不乏浪爾分駟驪  
時哉君何失儀鳳方臨池爲我寄聲謝擊壤正自嬉勉  
旃夔龍事賡載冀勿隳立賢本無方莫爲陳言欺

次韻東坡所和滕希靖雪浪石詩古律各一律詩

見後卷

風波末路方奔屯屹然不動誰如尊豈知胷中礮十日  
顧盼不接無重昏東觀海市俯弱水南登赤壁凌江村  
斯文未喪天豈遠出沒狐鼠徒千門綸巾羽扇晚自得  
已聞漠北幾亡魂由來妙趣入造化地靈特出雲濤根

平生到處若再歷隱隱似有屐齒痕玻璃鏡裏萬象發  
金粟堂中千偈論會須白玉漱寒水更借落月傾金盆  
咄嗟菱溪成底物混沌空夸竅鑿存

甘露堂歌

炎天焞焞如熱湯使君置酒甘露堂無風但覺冷徹骨  
坐來彷彿飛青霜使君顧客指新榜天假此應來輝光  
八十里叟感盛事獻頌請名相激昂我非取專已上報  
堯仁舜智方當陽邇來瑞應發處處中臺第一彤雲章  
吾邦雖僻亦影響明德所祐真無疆已而轉盼欲受簡  
慙非叟比疇能當輒因勝遇強僮俛庶幾擊壤同揄揚  
吾君之澤不可象使君之惠何可忘才高名重偶暫屈

如深集卷三  
遺愛他日逾甘棠嗟予落莫徒自感乍鳴乍已如寒螿  
安時逐境姑委化隨緣致力聊爲鄉時逢載酒問難字  
未擬持筮操羣羊但知今日不易得縱不能飲須空觴

白鈴轄席上琵琶

青海傳烽沙遶塞謀將橐戈身不介卻攜紅袖弄煙月  
醉笑溪山窮物外文章聲名家世事投筆收功無十載  
天子幾嗟相見晚暫許南來聊曠快一時賓客多可人  
坐令五月如新深春畫棟潭潭簾半捲蒙蒙香霧無纖塵  
雲披霞散爛紅綠滉漾無處投精神秦樓風輕應准初泊  
玉指如流乍前卻捍撥當胸拍屢催一段風光來漢索  
雖無儀鳳與舞獸擊拊分明諧振躍緱嶺排空午夜涼

杳杳鸞吟上寥廓逡巡舞袖迴飛雪紅茸毡襯鴉頭韞  
落花飛絮互繽紛流星掣電爭明滅主人情不已下客  
歡正濃更邀姪姪持金鍾從來酒戶落人後激澁不覺  
隨手空金張燕接平生慣照眼今朝眞未見敢辭醉倒  
菊花邊只恐銀潢低曉箭鈞天一夢固依稀欲問桃源  
路已迷何時再到紅茸地更遣游絲惹住伊

雷塘行

鞭長不能及馬腹有限生涯時苦促空使後人悲後人  
雷塘春草年年綠誰知秀色若可餐風光付與初凭肩  
力殫四海歡未已眉黛一螺當幾錢君不見黃金棟樑  
回首蠹漠漠胡沙青冢暮么絃欲斷空自知千金漫買



長門賦膏油續盡天須曉石上餘螺可長保就令並蒂  
永不分也應終恨雷塘草

姑溪居士文集卷第三

十一夜三鼓

姑溪居士文集卷第四

律詩一

讀吳思道藏海詩集倣其體

唐末詩人自一家翦裁風月閒鶯花憑陵墜緒篇篇勝  
點綴餘妍字字斜遠水連天來怨笛爛霞烘日帶棲鴉  
法書警句真如此流落檜榆重歎嗟

次韻東坡和滕希靖雪浪石詩古詩見前卷

平生所願識荊州別乘還容接勝流異石崩騰驚海面  
新詩清絕似槎頭常嗟盛事千年隔誰謂餘光一旦收  
但覺詩源得三昧目中無復有全牛

次韻東坡還自嶺南

憑陵歲月固難堪，食葉多來味卻甘。時雨纔聞徧中外，  
臥龍相繼起東南。天邊鶴駕瞻仙袂，雲裏詩牋帶海嵐。  
重見門生應不識，雪髯霜鬢兩毵毵。

寄邵暘叔發運

德門平昔仰高陽，自是芝蘭根本香。未許藩籬承妙晤，  
聊因文字借餘光。艤舟月下逢桓守，盤馬樓前見庾郎。  
冬杪相期定如約，爲君雪影認鸞皇。

次韻東坡沈香石詩

海南枯朽插天長，歲久峯巒帶蘚蒼。變化那知斲山骨，  
儀刑元只在人腸。幾因曠日疑鑄蠟，試沃清泉覺弄香。  
折莫輕氓亡十襲，須防偷眼誤摧剛。

送曾端伯之官濟北

貂蟬七葉想前人，四世三公表一門。虎步龍驤推贊冊，  
瑤環瑜珥見旁孫。琅琅廟器真無敵，滾滾淮流信有源。  
傲帚不堪終舊物，吐茵行欲表餘尊。

濟上閒居

閉閣焚香萬慮澄，莫云身似打包僧。功名了未榮三事，  
理性容先契一燈。丹竈鶴歸休炷火，茶甌客訪旋敲冰。  
倦來卻有登臨興，上徹層樓最上層。

告別子通

之儀早從粹翁子，權遊于門下實爲舊物也。而子通  
之賢蓋願見者非一朝夕，于是踰月旣蒙分榻延挹

又獲旦暮親炙告別遽有期懷戀不能已小詩以致  
感遇

謝庭蘭玉舊聞名早歲風流接二兄白壁無瑕尊士望  
青雲有路藹鄉評筆瓢弗改眞天樂簪紱相高半學生  
授館不爲經宿去心知黃憲異袁閔

和儲子椿竹

何物能令意灑然陰森常對出簷竿排槍立戟誰爲況  
招月吟風好細看幾度驚回窗下夢新來添得雨中寒  
傷心不見東坡老縱有鵝溪下筆難  
楚楚相親豈偶然依依隨處自成竿固應表見風塵外  
莫作尋常草木看好事借名直有謂多言雖巧不能寒

相思乍可食無肉一日無名恰似難

和子椿七夕

何用封侯曲似鉤且將膚寸等岑樓佳時未用傾河鼓  
爽氣先期勝蓐收月彩正迷千古恨雨聲還助五更愁  
王孫賞詠元無敵又見詩中第一流

題蘭皋

萬綠交陰別有天艤舟重到尚依然回頭白髮三千丈  
倒指青編二十年賞詠未論臺閣舊維持今見子孫賢  
何當披陳迹再把重衾託醉眠

戲子微兼次韻陳君俞寄題蘭皋

和風煖日作霜天冰雪相投豈偶然特枉新詩詠塵迹

便同佳趣賞當年學優曼倩三冬足才過荊州十部賢  
爲問醉衾應好在莫教癡望似蠶眠

題詈老小軒

高步毗廬頂上身旋開窗牖外風生塵石菖蒲是從來友  
龍焙茶爲近日親不見同周行木上座常留伴睡竹夫人  
艱難歷盡無餘事問佛方知有此因

因過墳山齋僧值雪遂賦小詩

霜露悲傷老益增輒憑精意記真乘舞花忽報難遭瑞  
佳氣真符不盡燈蒼葡萄園中紛一色兜羅世界結千層  
五天應供非虛語從此雲頭日日升

送宣上人遊方

七軸蓮經誦已通定將何事作家風當知法界重重意  
盡在雲遊步步中金臂見時猶是妄玉毫光處未爲功  
路頭全記文殊指須著工夫子細窮

次韻郭功甫從何守遊白雲寺

已仕因循已過三買田歸去不須參高明漸擬凌清漢  
皎潔方知在碧潭試酌甘泉來覺晚已躋絕頂尚猶貪  
便應從此都無事祇有君恩未報慙

題白紵山

四見黃梅雨後天煙林常在笑談邊早時欲到不自果  
今日初來端有緣無復新聲傳玉齒空餘殘照滿金田  
不知誰是雲霞侶聊掛高風一悵然

石端若似朱絲欄見邀作而偶失所在久方得之  
喜而賦詩寄丁希韓因以見及遂申前志次韻

斷雁沈蹤共倚欄定應齊客解偷關忽驚遼鶴排空至  
何啻廉珠昨夜還假寵已慚名下誤強顏終愧筆頭慳  
江流有盡情無盡須把高風付子山

再領玉局昔東坡翰林作詩送戴蒙有玉局他年  
弟幾人之句後自嶺外歸遂領玉局予復官亦得  
之坡今亡矣悵然有懷

東坡因地夙相親玉局終爲繼戴人祿仕豈知承末軌  
恩光又許襲前塵青蠅附驥原非援白玉無瑕晚更眞  
泉下有靈應首肯不隨凡劣易淄磷

次韻葛大川喜王君相過并寄吳思道

君恩曾未報纖埃倦緒淹時鬱不開高義不忘轅下舊  
好音常自日邊來欣逢雅好排空至頓感陽春泛酒迴  
早晚退朝紅藥下細談陳迹其餘杯

呂吉甫第乃謝鎮西故居中間常爲佛刹而雙檜  
則舊物也劉夢得有詩因賦其韻

故國悲涼古木奇勢分庭下蔚鬱相差霜根半露出林虎  
畫影全舒破賊旗寶界曾迴鋪地色節旄還映插雲枝  
劉郎風韻知難敵儒帥端能表異時

題張湛然兄弟所居壁時謁之不見

樂全老子如星月眞一仙人似鳳鸞早歲光明均照耀

異時文彩避高寒低回氣類追千劫解后風流得二難  
環堵蕭然清徹骨卻疑深雪臥袁安

湛然乃安道之孫

李去言相別二年忽得書知在吳中答書偶成

宦路相逢一笑休共知身世兩虛舟楚材有用誰青眼  
趙將無功枉白頭會見姓名通北闕何妨風韻冠南州  
求田接武如鳧鷖只欠元龍百尺樓

與桂元白相別之次日大雪火邊有懷其人

上人偶作十日留才別便覺如三秋應作擁爐華嚴客  
不知對雪姑溪愁清詩字字吟可老冷日愔愔誰見投  
媿我霜髯不容翦寒灰撥盡欲何求

次儲子椿金陵作別韻

千里波濤一葉中急難平日但聞風自非積習有天得  
那復閒關特地同樂事放懷須命酒生涯何處不飄蓬  
先歸只作尋常別折莫樽前感斷鴻

又次子椿同君俞三詩

倦途回首已無牛獨向田間涉半秋倚杖固知同失馬  
攀援猶恐昧操舟漸逢陌上相推醉尚有空中未下鷗  
可是道邊無葬地肯將身世曲如鉤  
西來不復見青牛問徧生涯兩鬢秋但受郢人夸鼻斲  
豈知蒙叟是腰舟柱頭寂寞千年鶴波面分明一點鷗  
不向虛中問消息磻溪終老但垂鉤

隱隱山林似臥牛紛紛鎌擔喜逢秋虛名漫託三春柳

如發身如  
實際須歸萬斛舟未信此身真野馬且將餘日寄江鷗  
崎嶇精衛人空笑終恐長鯨上直鉤

次韻子椿金陵相會詩

濛濛小雨落征帆漠漠煙雲遠近山屬意幾回真入夢  
欲來常恨澀如灣家程豈復嗟留滯物外何妨且往還  
便恐都人入圖畫卻應難寫是高間

次韻子椿遊雨花臺同長老德正

勝遊自有經年約佳客難同信步來無復風煙翳寒口  
漸摧花柳映高臺雲光故事空陳迹玉樹遺音失舊哀  
今昔循環等相視欲尋歸路更遲回

又次莊居見貽佳什

茫茫巨浸託船歸風不充帆氣易衰猶喜歲寒逢逆旅  
不將人事異當時從他老去知何用由是終爲焉豈自遺  
獨有東阡南陌意莫辭扶杖數相期

姑溪居士文集卷第四 四月十二日

姑溪居士文集卷第五

律詩二

用聖行韻和呈幾仲

牢落郊原正早收書來起我頓風流絃歌韻裏識琴賦  
鴻鵠飛時逢弈秋極目煙雲來指顧何時談笑共沈浮  
文章落筆驚人眼新有聲名舊姓侯

和人見寄二首

雍容閒雅許君都萬緒相逢一笑無休把盛衰觀世諦  
且將言語共詩圖人亡人得同吹呖潮落潮生等據梧  
只恐後庭歌不盡曲終翻被鬼挪揄

傾蓋相逢惜別離等閒談笑盡心期它年終解如今日



此念常應寄異時餘事不妨多蠟屐放懷贏得盛留詩  
早攜桃葉尋歸路準擬花間倒接籬

澄虛堂

公子高明悟劫灰鼎開軒宇致幽懷縈雲疊獻鏡天去  
極目滄波入座來千首詩成談笑裏百分酒盡筦絃催  
自憐曾是高唐客欲賦慚無宋玉才

和子椿

一番霖雨下商巖末路方收破冢帆雞肋未能忘叻畝  
驪珠還見發囊函潤分餘浸回枯轍色借陽春起陋緘  
自是亨嘉相際會便應從此出塵凡陋緘一作癖杉

莊居寄友人

槐黃時節早相期留滯田園阻暫依聞道程文大超軼  
卻因詩句接光輝君能活計如公理我愧生涯負表微  
已向青山謔遺老不應專有謝元暉

和友人見寄三首

明月平時敢自因特高蘭玉信吾人便從緱嶺知如無媿  
更許毗耶約問津每見似醺千日醉不言常備四時春  
妙雲豈獨南遊契又喜鍾山近得鄰  
俗駕難回固有因勒移終愧北山人不辭冒雨投歸步  
始信忘形是要津一笑未容披輓語十分先覺報新春  
定應偏契王郎便消得從來願卜鄰

除卻吟詩總是塵道人應笑可憐人固知參請能成佛

未到升騰且咽津村落風煙常似臘禪房燈火已如春  
會須隨例餐餽子聊借明窗作暫鄰

懷舊二首

陳迹回頭似夢餘花應常好但人無詩成固已名千古  
墓上誰傾飯一盂流落丹青驚始見形容筆墨竟難圖  
公孫自是天同派謾託周人載碩膚

花存人往祇天知目暗心搖卻自疑尚想漢庭傳詔令  
如登魯廟見樽彝一時鸚鵡娛賓賦百世甘棠美召詩  
安得殘春逢海上盡傾哀淚灑新枝

送人入館閣

天祿崢嶸北斗齊享窮人欲去無梯自非終賈名偏重

祇恐蓬瀛到卻迷鉛槧異時森杞梓功名他日看虹蜺

中朝若問姑溪老但道摧頽一木雞

解后故人二首

湖山勝處得君家懷祖曾于膝上誇不見多年應宦遠  
相逢何事卻天涯朱絃無復來湘水駿骨分明產渥洼  
聞道賢勞多野處新醅聊寄敵霜花

已將身世等浮雲又向江邊得故人數日暝寒埋雪意  
一番佳境為時新村醅淡薄聊資笑洞戶深閒自有春  
已幸鄰封同寄老卻應風月費精神

金陵懷古二首

酸燧何勞鼓萬牛聊將一帶付幽流纔聞浮鷁來波上

已見牽羊出石頭舊穴依然披信汐古祠誰爲薦時羞  
功名到手成何事擾擾空移夜壑舟

霜天日晚獨沈吟潮上風來別是音恃險戰爭休想舊  
凭高臨眺且論今數聲雁蹙千年恨一片帆驚萬里心  
不是江山解磨折卻應人物自昇沈

和人見寄

壯志崢嶸不自伸低回聊此接波臣雖非腰重眞騎鶴  
猶勝途窮強泣麟擊節久懷沍上晚空樽未放網邊春  
固知遺老能相契翻愧公輸作幸民

邯鄲叢臺

禾黍離離露一邱淡煙輕靄夕陽秋微基西枕邯山盡

往事東隨漳水流御輦金車何處去閒花野草幾時休  
可憐全趙繁華地留作行人萬古愁

久雨次韻君俞

塵埃肺腑屢更時淫雨平欺素領垂忽覺光輝慰岑寂  
坐令華茂轉離披中疇未厭徒空壁雅意安能系赤墀  
獨有清明陪擊節回腸尤在不爲詩

次韻君俞瑞香

占盡韶華異眾芳分明絕豔降昭陽肯同繁杏攬春色  
慢道幽蘭有國香大葉向疑攢處髻馬嵬猶認去時囊  
牡丹獨賞慈恩句只解金杯比發妝

次韻君俞四首

文章老去豈能神，猶有殘膏占舊名。賦就賈生空自感，詩成侯喜近聞聲。拾塵已信非嘗飯，撒豆終知不是兵。多謝佳篇慰岑寂，便應思相約伴問歸程。

合浦圓光降夜胎，豫章千尺本天材。未能海運參搏翼，聊復舟行共覆杯。白髮情懷雖草莽，青春消息自條枚。何妨接武窮幽致，莫待風光卻見摧。

語解驚人固有神，始知無不是虛名。方觀去接天邊翼，何事猶諧爨下聲。齊晉近能通敵血，江黃詎敢議塵兵。老來肺腑者多荆棘，頓欲鋤鋤不計程。

熊掌如何得豹胎，棄常嗜異信難材。端能不學邯鄲步，正可同嘗沈澆杯。有意良圖休我老，他年吉卜伫君枚。

雲閒日下容相契，且置然其特地摧。

隄上閒步二首

風旌江木信漂浮，散策騰騰亦謬悠。未必縈回能擢勝，卻疑平遠解供愁。年衰易感難留日，機盡應無不下鷗。渡口舟橫晚潮急，一番佳思憶蘇州。

暖風輕蹙浪花浮，留滯江城媿謝悠。吟苦空多屈原恨，賦殘猶賸庾郎愁。漸因卜築投歸鷺，聊託潺湲習戲鷗。可笑麤官殺風景，滿船絲管載涼州。

題韋深道寄傲軒

南窗何似北窗涼，寄傲來風各有方。千古光輝如昨日，一時收拾付新堂。已驚酸裏醅初綠，更覺籬邊菊漸黃。

就使主人官卽顯此閒高興定難忘

次韻君俞兼簡少孫六首

連壁兼金盡出倫雪髯霜鬢信陳人能忘柄鑿方圓異  
許接風雲變化新絕韻淹時勞極目虛齋窮日但凝塵  
何當一笑披環堵賴月吟哦未厭貧

殘編弊稿掩還開好意經年不暫來伏櫪已應真款段  
脫鞴終擬謝低回頗傳共坐侵斜月更想微吟薦罰杯  
居士從來少風味獨將愁眼望初梅

莫羨財多石季倫任從閭里笑長人五湖浪迹名終在  
六印懸腰眼暫新且樂歌呼隨漉罽不妨文字洗留塵  
年來頓覺珠璣富萬戶侯家卻是貧

悄悄懷抱不曾開忽忽還添一歲來燈火香花隨贊祝  
兒孫旛勝共裴回休誇路寢當前拜誰得屠蘇最後杯  
何物相期同一醉爲君催發檻前梅

定應春到今幾日但覺耳邊多醉人已分餘生不如舊  
卻應佳句漸能新悲來徒有縈心淚淚盡空驚滿眼塵  
到得雖無真我輩一簞猶是作家貧

書空懶作咄咄語催老祇怪駸駸來斷夢已將愁共遠  
離魂不覺淚驚回病餘想見嶺巖玉歡處猶懷宛轉杯  
能伴情和著屐否深山應有未凋梅

觀東坡集

今朝又讀東坡集記得源州鞠獄時千首高吟賡欲徧

幾多強韻押無遺固知才氣元非敵獨有心期老不欺  
淚盡九原無路見冰霜化日看青枝

乙丑閏月十七日按叢書堂寫重本再校 浣姑自白問言旋

姑溪居士文集卷第五 正月十二日校

姑溪居士文集卷第六

律詩三

再次韻人字韻奉送禹欽且堅再來之約

泔泔梅雨漲江濱耿耿僧房借鉢人秀色驚回隨念到  
孤懷贏得暫時新何妨一笑空諸有更覺三摩淨六塵  
憂患年來倍傷感送君衰淚不容貧  
相逢懷抱合全開蔚結才舒條又來傾倒已辜將進酒  
追隨休賦上林回臨分莫作楚囚歎故事須詢河朔杯  
看取滌翁宜自警空將遺恨感蘇梅

襲前韻再簡少孫四首

由來氣類卽天倫孰謂劉琨獨可人稍隔相從更無味

幾因拈起又還新  
席閒誰致龍皮異  
雪裏常懷鶴羽塵  
祇欲期君拾瑤草  
庾郎三韭未爲貧

雪意埋雲蔚不開  
新春還傍故春來  
未堪骯髒倚門立  
聊復差池接羽回  
得喪何知求失馬  
盛衰羸取付傳杯  
風流二妙天憐我  
種玉秧中更插梅

子默清真本絕倫  
羊曇仍是箇中人  
林泉不作南風競  
旗幟還因對壘新  
金鑛躍鑪元有豔  
冰壺瑩月舊無塵  
何妨再葺昆陽戰  
尋邑師行固不貧

記得金樽特地開  
舉頭新歲又重來  
銀潢已分經年隔  
玉節猶期舊臘回  
干汲浪迷雲表夢  
百分愁寄燭殘杯  
醉鄉誰謂無消息  
已覺歌聲傍落梅

次韻雪

臘日頻年未嘗雪  
今春雪與臘俱來  
暖歸白傅金蕉葉  
寒逼溫郎玉鏡臺  
幾處歡聲動絲竹  
一番佳思近離堆  
新詩不以尋常見  
萬里豐登氣已回

題張約之長春閣

江山信美亦人同  
寒暑隨時興易窮  
寓意果能超物境  
養花長欲占春風  
何須戶外屢常滿  
自樂尊中酒不空  
可笑道人猶有恨  
一番紅盡一番紅

後圃

鶉鳩呼婦天欲雨  
杏子退花鶯未雛  
庭前已覺綠半毯  
酒面忽有紅雙鳧  
芳物戀容不忍去  
主人好賢誰復如

會應百歲享此樂何妨盡作重屏圖

寄題子椿野軒

江山秀氣表吾人輦下開軒得趣新不擬舊遊離几席  
常令美況隔埃塵客來談笑無非楚紙上文章近過秦  
分我一枝頻見約乘槎行欲問通津

逃暑無地偶過君俞聊資華屋廣蔭以揖主人之  
勝綢繆禮意遂至抵暮君俞有詩因次韻二首

無功衛鶴偶乘軒虐暑從誰解倒懸頓覺御風凌絕境  
似逢調瑟認華年回光已幸參東壁裂地何須得酒泉  
自惜抑揚非瓦礫倦途終愧失陶甄

十輪楊惲舊軒軒四壁相如似磬懸豈謂投懷忘晚節

每容佳處共流年笑談璀璨風生坐翰墨縱橫思湧泉  
土苴固難重就器轉鈞尤粹識精甄

歸自錢塘復蒙君俞佳句欽歎不已更兼特枉聊

賦來韻

吳山塵跡已飛埃投老還驚病眼開似泛靈槎海邊去  
卻因華表鶴歸來情移客枕收殘夢恨著江梅戀故臺  
便覺新篇資六翮飄飄真是子虛才

贈金陵榮天和

生涯已定不干時收拾工夫且作詩瀨水方來弔東野  
同安初喜識邱遲兼將佛事資三昧又見風騷出一枝  
投老相逢能幾許何堪得句每相期



劉君以地理之學名解后相遇求詩為別因賦長句

久聞祕術獨超羣肯向青囊學景純解使山川如在掌  
須知禍福不由人論功合附天仙籍底事猶隨客路塵  
滿眼峯巒應有待何妨裁翦出精神

伯鎮客居傷春佳句輒賦元詩三首

休論莫莫與休休老眼逢春且暫留未必餘寒更能久  
祇因殘藥易為揉及時行樂何妨賸感物興懷漫自愁  
南北生涯等羈旅定應無著是清流

紛紛到底不如休空把閒心見便留昨日白消行處去  
今朝綠徧定誰揉且從寂滅翻千偈安用深湛詠四愁

我坐言多欲無語每慙佳思枉詩流

次韻夾竹桃花

料理愁懷落那邊桃花烘日竹含煙牆紅密約連昌晚

夏木深藏繡嶺天籃輦造門如會面漁舟失路想當年

因君詠出黃筌筆從此風光生彩牋

黃筌作夾竹桃花屏風東川西川節

度使廳皆有之筌今不在以真花片補其缺處幾不能辨枝上地下相契不差毫髮天下傳以為工

次韻聞笛

涓涓水咽眾山泉隱隱雷驚二月天共喜春工能應候

方知節物似烹鮮倦途所欠無多子勝日相逢又一年

好是羣花應競發不須留待柳三眠

和郭功甫贈陳待制致仕三首

十年朝馬望前程晚作琳宮物外人徹骨清風真有韻  
醉心常得總本來淳新栽松菊開三徑舊檢方書備六陳  
不是詩翁形美頌丹青難寫自由身  
南北紛紛不覺塵鴛鴦湖水解留人乳浮香焙誰同試  
螳泛家菊分外淳禪寂久應師粲可婚姻便可繼朱陳  
莫從舊路尋歸夢占取東籬采菊身

和人三首

昂昂野鶴固難羣皎皎冰壺不受塵一笑每逢青眼舊  
多情空媿白頭新西風未用高紈扇東道應容岸角巾  
珍重長謠倚雲瑟瀟湘誰是賞音人  
經年牢落別離羣準擬歸來佛路塵妙語獨從書上得

歡悰猶欠坐中新頗聞洛下傳佳句更喜嵩陽識墊巾  
幾欲軍門示巾幗老來猶更不如人

荆溪風物記當時吹絮河豚下箸遲綠滿金田朝應供  
紅殘朱檻夜論詩幅巾已託遺民後杓柄猶懷象骨疑  
早晚雲閒見金臂空慚翠竹漫抽枝

次韻採蓮

聞道栽成十畝蓮便思挑出杖頭錢定知苻菜參差處  
不是泱明顏色鮮紅日半移芳草岸清歌低泛木蘭船  
驚心未得同真賞空媿詩豪白玉篇

復次韻

國西華麗占池蓮曾記開樽奉賜錢幾欲漂流勞滯念

又驚紅綠映澄鮮主人無閒容聯步勝日何妨更買船  
 滿挹香風振歸袂更煩佳思出新篇  
 幕府風流舊泛蓮裔孫家世掩青錢別開眼界霞爭爛  
 分得秋光菊未鮮燈陣有心期醉帽珠盤何日瀉歸船  
 錦囊示我鏘金句空媿巴吟綴後篇

次韻子椿莊居述懷

偶因秋藥記初春增損元無爾自貧病骨蕭條驚歲晚  
 新詩來往媿情親未應謝傅終流涕誰謂劉公是可人  
 艾火呻吟對搖落不堪庭草又還新

次韻早秋

衝衝時序一郵亭睡美美從今氣不蒸便好心期金葉酒

乍驚夢在玉壺冰栽松種竹來三徑效策輸龜待十朋  
 百尺樓高誰與共倦途初喜接陳登

韻

同子椿遊三品石得井尋三閣故基久之因以次  
 桑柘邱墟輦路長景陽依舊蔣山陽石標官品名常在  
 井記胭脂迹半荒弔古漫勞興感慨寄懷聊以共徜徉  
 相看等是未推枕何日同驚夢後梁

賦

陪延之泛舟歷湖至苦竹寺次韻陳致君席上所  
 已涼時節未霜前十里平湖共酒船巖岫湧泉清徹水  
 菱荷翻浪綠連天百年過眼真聊爾一笑投懷豈適然

姑溪集卷六  
獨有黃花似迴避祖空緣紅粉不能先

宿大乘贈初燈

倦飛知止未知還平生生涯只在山金碧喜逢雲外境  
文章重見管中斑篆煙縈曉留無寐寶鐸吟風笑不閒  
他日歸棲雖有地勝遊終寄夢魂閒

天氣陰晴不定雨後園林如沐琴書清潤頗自怡悅十七日

姑溪居士文集卷第六 正月十六日按

姑溪居士文集卷第七

律詩四

賞心亭

賞心亭角倚欄杆虎踞龍蹲自屈蟠無復埋金鎖銷勝氣  
空餘飛鷺識前灘百年名在人何處萬里潮平雨送寒  
幾向後庭更白紵不堪殘炤下魚竿

延之云累日把酒止在相近處殊不快人意坐閒  
命徧索城內外可以閒處之地將往因之得城南  
張氏園秋花班駁可喜遂劇飲待月上戴花作樂  
而歸市猶未撤觀者如堵次致君韻

累日相看似處陰今朝乘興共追尋曲欄方沼爭留步

如漢集卷七  
秀色新曉總會心酒面屢從羅綺發花心休避雪霜侵  
燭城醉路凌初月但覺入山一徑深

偶書二首

閉門只欲渾無事門外何嘗有事來生計不須憂水旱  
仕途休更問梯媒身安種種皆三樂客到時時共一杯  
此外華嚴是歸處眼前樓閣竟誰開  
小山相對數椽地樂與心期境自多有酒未妨同客醉  
無情到了任君魔采薇行歌亦勞矣飯水曲肱還會麼  
只恐時來把不住更看究竟事如何

贈人

落得清閒與物疏扁門終日似山居案頭新有歸田賦

架上元留緯世書紫府未須窮祕簡丹山重見引名雛  
詔恩咫尺來相繼還許頻爲賀客無

和兩翁軒

何處又傳金椀出幾人爭看玉山頽幽情不是風期舊  
異境難從指顧開猿鶴已回塵外駕煙雲休造眼中衰  
未妨二老同巾履香火終年謝劫灰

次韻珪首座

陰重爐紅欲雪天氣氲香篆不藏煙南遊步步如同歷  
西竺層層有舊緣未覺鴉聲驚戶外似傳梅信到窗前  
老來酒量無消息負此佳時一慨然

和錦繡亭

漂泊生涯寄一萍勝遊長記錦花亭山來已訝天能巧  
春到方知地更靈雖許登臨追曳尾卻應顏色未忘形  
何妨共保千年約白帽回頭笑管寧

吳思道相送同宿崇因二首

端門風月十年拋垂老山林寄一瓢可謂故人來市脚  
共尋陳迹到江郊麥黃且置塵中累眉白欣投世外交  
只恐話長清夜短明朝去路不相饒  
形單影隻久相拋鼎食端能勝飲瓢已分餘材辜北闕  
元非不雨自西郊采田聊復同中隱玩世寧嫌瀆下交  
千古平泉有遺恨漫勞精爽畏文饒

寄僧

得皮得髓漫多門實際圓融理自存論意當時纔一笑  
還鄉千日見三孫維持佛法元無事建立家山盡有文  
占斷乾坤今鼎足會多哮吼慰傳聞

寄題吳思道橫翠堂

紅塵擾擾功名地不礙詩人得趣幽何必千巖連萬壑  
能令六月似三秋茶甌變乳隨湯泛香篆縈雲盡日浮  
時覺東城添紙價應知得句勝封侯

簡劉君秉

劉郎本是風塵外畫舸新從越上來聞說露芽如爪活  
更多溪楫截肪開雪消鼎面聲頻涌鶯轉池心首屢回  
洗滌睡魔臨二景敢辭瓦礫換瓊瑰黃庭有內外景

如海集卷七  
八月十一日九月六日二十四日三夢過趙仲強  
家坐中人物笑語一一如平時因寄長句庶蒙藻  
思見酬因投一會面之慰也

憶陪金醖醉紅顏回首風光杳靄閒老去未忘三汲浪  
近來頻夢八重關雲煙舊路到何日燈火虛堂直似山  
只恐斷魂收不得更須佳思與招還

水中登王德循月閣

龍宮海藏固聞誇偶襲初涼泛客槎層檻過高臨落日  
洞房無數盡浮家閩闔可知知何在水相連杳莫涯  
借我華嚴記殘帙欲將因地付袈裟

德循詩律甚佳方幸拭目因作拙句以勉之

唐人好詩乃風俗語出工夫各一家前輩相因多自任  
後來無復更相誇半山老子偏遊戲真一仙人每歎嗟

傍出像章登一格憑君細與辨龍蛇

之儀家當塗七年矣屢過禪岳山下望高山塔欲

一遊輒不果異時山主勲公大師與其子宣上人  
相過因往報之取路回遠薄晚方到遂留宿棟宇  
一新舍次皆得其便而宏麗高朗惟見者知焉又  
復規範齊肅鐘鼓應接問之乃勲一力所就絲蓄  
粒聚未嘗毫髮資之人此尤難者感歎不已因賦  
二小詩趙郡李之儀

翠堵頻經眼伽藍未息肩多情兩父子同住一雲煙繚

繞尋幽徑從容慰昔年本無留客意投分且遷延  
去住如流水興衰似轉肩新工幾奪日舊爨僅留煙願  
起三千劫功收十八年兒孫盡龍象家世自懸延

藏雲山居

鳥語晚更好山風秋轉涼心閒日自永簟冷夢尤長赤  
荐新春稻清添舊蔭香此身歸有地去路尚何妨  
雨後山尤好秋來方此時心清覺老健步懶欲歸遲林  
響驚麋鼠風閒叫畫眉善人吾豈敢去此尚何之

山居夏日

金鑲籠窗日黃繒蔽柳蟬戀鶯忘日轉借榻就涼偏好  
作宿山計唯堪被俗牽歸途迎晚炤豫促渡頭船

誠上人遊方既歸林下焚香誦經以嚴報地相見

欣然留不欲去遂賦小詩

委曲披高下虛明得靜深佛香平日願經卷本來心地  
據三車上塵無一點侵出山應有恨何處似如今

宿青山坊君錫館置甚款時方興圩

命駕追彭澤開懷得土龍殘寒偏惱客小雨未妨農已  
幸同歸轍何勞更賃春川原如故里疑是舊栽松

將過黃池中路寒甚風猛不可行復歸青山坊投  
宿

過午風雖惡此心難自安如何一時頃遂變十分寒忍  
聽僵夫訴還思昨夜歡祇應賢地主猶作故侯看



次韻俞希賢大暑家居寄天寧二老

靜退陶彭澤風流支道林論歡雖暫阻投分本來深  
客舍汗如洗僧軒雲正陰莫因俗眼礙終負勝遊心

姑溪居士文集卷第七

正月十六日  
閏月十七日已刻

姑溪居士文集卷第八

律詩五

和答友人二首

此日逢春社占龍得賁山雖能素願台未放老身閒  
家世縣延遠功名指願閒自應天有助一到一開顏  
春來自多雨行處只逢山賦分皆可樂貪生常不閒  
人歸挑菜處鳥語落梅閒翻恨新增酒何從解醉顏

食筍二首

燕雀初為友烽煙近卜鄰不嫌干話語只怕一籠新  
病眼常如睡歸心喜似人拌餐猶見筍不省已無春  
牆外是西

關每夜得  
應烽火

疏簾不礙日缺登宛如塘默坐千名佛忘形一炷香卷  
中貪味永鏡裏任顏蒼飲後纔推枕逡巡又夕陽

謝陳無己相訪

下直來天祿柴荆故遠求論心日恨短歸路雨何憂紅  
葉繽紛晚黃花爛熳秋會須尋此況擊節再相酬

昨日偶到北觀蒙君俞元載元發胡叔惠然見過  
勝日欣相得曠懷誰與同如何四君子肯顧一衰翁林  
杪收殘雨簷牙遞好風歸時不須問更待月如弓

回酒

莫笑和州酒和州酒卻醇聊資千歲祝用贊一陽春柳  
信温將報梨情點向真醉尋平日路好在武陵人

書長干僧房

異日延禪地今朝選佛場真身瘞堅固層級韻琅璫雨  
灑家家潤鐙傳處處光曾將一則語要路截諸方

無題三首

解后俱青眼招攜媿白頭穿林猶畏日坐石忽驚秋不  
作崎嶇倦幾成汗漫遊臨分懷杜老月湧大江流  
步武高低外生涯夢寐中不知三徑足信是一生窮觸  
目如逢舊隨緣似有功便應參羽翼何異注魚蟲  
軒廡千尋碧江山一抹紅微吟接僚友健啖趁羣童戀  
別猶能暫論懽昔已通更憑將此況遠問雪溪翁

題歷陽天慶觀自然菴

一日復一日新年卽舊年本來無欠少強自起攀緣妙  
悟通三境清風寄七絃昇騰如未果且作地行仙

自大乘將遊湯泉道中

迢迢山路永漠漠曉風昏雨歇鳩呼婦年豐稻有孫  
懷悲暮齒野飯寄前村只恐今宵夢憑誰續斷魂

雨中過明覺招上人輒留小詩

雨路如投洗山行似蹋繩深閒逢竹院歡喜得詩僧語  
款疑繚繭心明自有鐙難忘惜別處高義等邱陵

宿滴水庵懷趙德麟和壁閒韻

瀑水瀉靈寶鏗鏘韶濩音樹深猿嘯月山迴鳥歸林一  
曲廣陵散再歌梁甫吟天邊有鴻雁莫寄此時心

夜行鞏洛道上

夜久露華重寒鴉不肯棲月推銀海上斗過玉繩西風  
脫林衣瘦山擎雲帽低流螢三四點趁隊過前溪

題李欽之承事宅

松竹龐公宅邱墳倚相家和聲敦雁序秀色茂蘭芽魯  
秉方如昔淮流詎可涯躊躇不欲去寒日任西斜

離宣城

倦客登舟際江城欲暮時恨長山自遠心速棹歸遲村  
市明漁火巖城起鼓鼙詩成真有助新月上天涯

秋日遊青山訪太白墓二首

潦倒忘衰日風流襲墊巾未能分朽骨還此挹餘塵弔

古無千載傷心爲一顰依稀如到眼氣類信吾人  
淹時苦炎暑此日過初秋舊籍存千畝彝倫詠九疇但  
能尋曠蕩何必事深幽未媿遼東笑眞如知北遊

遊青山因過西莊

青山忽相值一笑脫征衫未就三都賦聊尋五柳潛並  
遊雖得意作闊更愁兼問字終忘倦言歸但小慚旁求  
須作相未聘且耕巖贈別無多語禔身要律貪

同榮天和遊石城

茲遊久寂寞勝士偶陪隨竹暗筍初熟江深鱸正肥但  
須頻結社何必訪題詩會有重來日還應記此時

謝送魚

珍重黃池秀風流迥出塵多情念羈旅脫網寄鮮鱗掀  
動龍蛟宅驚回七箸春丹青如得便更擬問通津

題齊雲亭

凌空登白紵此地與雲齊一覽眾山小方知人世低暫  
留蝶夢終負杜鵑嗥回向禪關客何當別有梯

賀時相生辰

錫羨來經世儲休表降神雲閒瞻鸞鷲天上識麒麟蘊  
藉三冬學形容萬古春班庭傾玉筍鎮廟契金人帝載  
熙明格朝簽絕擬倫淵懷參密幄同德在斯民有作皆  
前用無言不緒陳光華榮壽聿蕃錫會昌辰寵接張侯  
異年頒衛武均江干空引睇無路襲餘塵

姑溪居士文集卷第八

正月十六日

閏月十七日乙刻

姑溪居士文集卷第九

絕句一

登山未還范景仁以詩見促次韻二首

撲面煙霞曉更加嘉偶隨藜杖訪仙家斜陽不見登山屐

獨遶長溪折夜花

危牆煙際聳層城潮落沙頭眼更明不覺歸舟犯牛斗

天風吹下步虛聲

次韻景仁海次西還二首

留滯初春寂寞濱眼明歸路一番新何妨更作重來計

枝上微紅解惱人

二月春陰到水濱秋風重見玉蟾新無端擾擾來還去

只恐沙鷗解笑人

又次韻

尋春何惜駐征鞍只怕春歸不怕寒故國山川無限思  
我來仍得雨中看

柏臺自述四首

窮日悄悄已死灰似沈習并念昭回一聲霹靂起平地  
頓覺青天萬里開  
鑽龜打瓦不曾休金注昏人豈自由誰謂純誠無感格  
會逢公議報私讎  
一夢揚州似隔生輕舟來往但貪程暮年骸鯨兒童念  
風物依稀媿此情

熬熬內火戰驕陽鶴唳風聲便著忙波浪翻天誰與渡  
卻應甘井是慈航

江西莊上久雨

去秋欲雨不得雨今春望晴還未晴螻蟻尚知爲自便  
強將私意與天爭

路西莊絕句

麥未登場已插秧更憂雨過水還傷一生能著幾兩<sub>量</sub>屐  
白髮蕭蕭祇管忙

宿采石

江聲隱隱風前恨雁陣喧喧枕畔愁更覺孤衾如潑水  
始知今夜宿山頭

寄西莊梅道者

因緣時節本相期只恐蹉跎醉似泥洗盡從前留意處  
何憂金臂不提攜

偶書二首

元宵燈火鬧遊人偶向忙中得此身淨几明窗塵不到  
弄黃先見一枝春  
通中玉冷夢偏長花影籠階月浸廊挽斷羅巾留不住  
覺來猶有去時香

瑞竹卽事三絕

芭蕉葉密柿陰濃散髮西窗到晚鐘霹靂一聲三尺水  
旱天方信有眞龍

纖絺不挂汗如傾一霎風來夢乍驚自是人心有涼思  
強將庭葉作秋聲

鴨腳初成綠未齊芭蕉仍在柿陰西推遷節物均如此  
眼界何須苦自迷

書扇

會稽陳跡久荒蕪流落江城墨未枯好向溪邊示行客  
問人能出百錢無

立秋日書唐行成扇

自古逢秋悲寂寥我言秋日勝春朝晴空一鶚排雲上  
便引詩情到碧霄

題郭熙畫扇

蹇驢破帽聳鳶肩石裏長松欲到天六月塵埃汗如洗  
始知立意不徒然

嫋嫋涼風八月初試揮椽筆寫江湖還家預想迎風喜  
爭問今年得意無

又書扇

幾年無事在江湖醉倒黃公舊酒壚覺後不知新月上  
滿身花影倩人扶

畫夫子扇

煙梢雲頂石藏根溪壓輿梁曉乍分車蓋定尋何處路  
皇皇猶想爲斯文

題畫扇

曾記終南雪裏山玉峯瓊岫聳巒岈風流轉入丹青手  
畫作江城六月寒  
落筆無因似退之每逢佳致卻如癡孤高全露秋來骨  
無復山紅澗碧時

莊上書事

柱礎猶蒸溼未休懸知雨意未全收只憂場上芽生稻  
不厭田閒水拍溝

訪僧不值

我來獨愛南天竺公去誰烹北苑茶賴有清風猶好客  
掃門楊柳影交加

天寧眾寮卽事



不看經也不參禪時去時來又一年祇願闍黎終有信  
大家留取草鞋錢

宿吉先之學古堂

停驂假館雪初晴學古堂中氣象新多謝故人無棄我  
一鑪輒火煖如春

書于子高宅

兒童雞犬語聲喧桑柘縈紆綠蔽川斗覺門庭蘭玉盛  
更將簫鼓樂豐年

書俞秀老詩卷後

荆公賓客晚多奇休歎穰侯見事遲雨過半山初睡足  
何如蠡力負山時

荆公晚有佳客乃其自  
云魯直遂因爲故事

寫裙帶

輕裙碎摺曉風微弱柳腰肢穩稱衣更翦垂紅平窄地  
雙鳧似恐見人飛

采石二首

雲山夾岸去層層來往扁舟浪恨未能更有尋常最佳處  
無風一日到金陵

雞籠山下是和州隔岸聞呼見點頭不見東歸夜郎客  
錦袍誰共醉扁舟

浴南寺園頭求詩

一重洗盡一重生塵垢昏人不自醒會得栽茄種瓜意  
始知松竹本來青

源上人研

過嶺傳衣不傳鉢何事眼裏更著柺欲識黃梅半夜心  
蹋著秤槌硬似鐵

訪采石臻山主不遇

入門不見主人公座具袈裟在眼中更有山童會人意  
畧無一事許相同

十年采石寄漂蓬廣濟雖名寺亦空將爲新來有消息  
依前山不結連籠

次韻湖陰韋深道五小詩

髭鬚瀟颯面嶙峋怪我多非舊日人百里拏舟誰復爾  
卻應情重故情親

書去書來又一年祇應提處是虛鞭相逢會得筆頭語  
莫惜頻尋酒裏天

江頭風浪是重關幾許行人限往還不是多情過相與  
肯將一葉泛銀山

三山磯雨列山風我亦頻年強自雄不負蛟龍竟何事  
祇疑身世屬江東

新來句法宛如陰端與衰公伴陸沈未易偏師壯秦壘  
劉郎戈甲舊成林

次東坡梅花詩韻十絕

誰人月下奏雲和一夜繁枝向北多長笛未須論舊恨  
且留幽思待陰何

姦雄投老戀層臺隨得分香散處開枝上休論歌舞舊  
尊中且泛綠于苔

弄藥攀條日幾回依稀長記雪中開塵埃滿袂家山遠  
底事多情拂眼來

輾火明窗酒一尊餘杯未減日猶昏誰人爲折東來閣  
續得何郎日斷魂

黯黯危腸獨九回故園誰對此時開撚來聊把倚孤枕  
更擬慙慙入夢來

病餘憔悴拊空尊子細思量意卻昏便覺陽和振枯槁  
不須方士致幽魂

初見今年報信花定從清淺綴橫斜無言對我應惆悵

不復當時處士家

玉作肌膚雪作衣翦裁風月綴寒枝上池可飲偶無路  
空愧當年帶下醫

漏泄天工意不輕傍春依臘獨分明孤高不作繁紅伴  
造化須知別有情

姑射山前舊卜家天香眞色倚風斜不須薜蔔分高下  
要是東皇第一花

贈呂煥

紅鑪歡坐臘燈長豫借春風發豔妝流水落花無限好  
卻應雙鬢恨劉郎

姑溪居士文集卷第九

姑溪居士文集卷第九

正月十六日夜月食